



# SVEUČILIŠTE / UNIVERZITET "VITEZ"

## VITEZ

---

Poslovni centar Vitez 96-2, Vitez  
Rektorat ; Poslovni centar Vitez 96-2, Vitez  
Menadžment ; Školska 23 72270 Travnik ,Bosna i Hercegovina,  
Studentska služba; Školska 23 72270 Travnik ,Bosna i Hercegovina,  
Nastavna služba; Školska 23 72270 Travnik ,Bosna i Hercegovina,  
Tel: +387/30-509-763 ; [nastava.fpi@unvi.edu.ba](mailto:nastava.fpi@unvi.edu.ba)  
[www.unvi.edu.ba](http://www.unvi.edu.ba)

---

Broj: 170/18

Datum: 22.09.2018. g.

Na temelju člana 64. Zakona o visokom obrazovanju SBK/KSB („Službene novine SBK/KSB“, broj 4/13) i 217. Statuta Sveučilišta/Univerziteta „VITEZ“ Vitez, Senat Sveučilišta/Univerziteta na svojoj 10. sjednici akademske 2017/2018. godine, održanoj dana 22.09.2018. godine, donosi

### **ODLUKU**

*o izmjeni i dopuni Pravila studiranja za III ciklus studija  
Sveučilišta/Univerziteta „VITEZ“ Vitez*

#### **Članak 1.**

U Pravilima studiranja za III ciklus studija Sveučilišta/Univerziteta „VITEZ“ Vitez, broj: 1754/17 od 27.09.2017. godine

#### **Članak 13. mijenja se i glasi:**

Struktura doktorskog studija definisana je Nastavnim planom i programom za treći (III) ciklus – doktorskog studija.

#### **Članak 2.**

#### **Članak 15. mijenja se i glasi:**

Doktorski studijski program realizuje se na sljedeći način:

- u I semestru slušaju se i polažu dva obavezna predmeta: „Kvantitativne i kvalitativne metode istraživanja“ i „Metodologija naučnog istraživanja“;
- na Fakultetu pravnih nauka studenti slušaju i polažu „Naučnu metodologiju prava“;
- na smjeru Međunarodno poslovanje studenti slušaju i polažu predmet „Akciona istraživanja i case study“;
- u II semestru sluša se i polaže jedan izborni predmet te piše i brani seminarski rad iz oblasti doktorske disertacije, prijavljuje temu doktorske disertacije i nastavlja rad na doktorskoj disertaciji;
- u III semestru polaže se jedan izborni predmet, te se piše i brani seminarski rad iz oblasti doktorske disertacije, nastavlja se rad na doktorskoj disertaciji;
- u IV semestru polaže se jedan izborni predmet, organizuje se učešće doktoranta na međunarodnoj konferenciji, te se nastavlja rad na doktorskoj disertaciji;

- u V semestru polaže se jedan izborni predmet, te se piše i brani seminarski rad iz oblasti doktorske disertacije, objavljuje rad u časopisu, nastavlja se rad na doktorskoj disertaciji i polaže se jedan izborni predmet;
- u VI semestru se završava rad na doktorskoj disertaciji i vrši predaja i odbrana doktorske disertacije.

### **Članak 3.**

#### **Članak 16. mijenja se i glasi:**

Studijska godina se organizuje u dva semestra – zimskom i ljetnom i traje tri studijske godine.

Studijski program dokorskog studija realizuje se kroz:

- nastavu za obvezne predmete;
- polaganje ispita;
- istraživački rad;
- pisanje i odbranu seminarskih radova iz oblasti doktorske disertacije;
- izbor i prijavu teme doktorske disertacije;
- rad na doktorskoj disertaciji;
- odbranu doktorske disertacije.

Realizacija dokorskog studija po principu učenja na daljinu (DL) vrši se u skladu sa članovima 37-44. ovih Pravila studiranja.

### **Članak 4.**

#### **Članak 28. stav 1. mijenja se i glasi:**

Studentu su omogućena tri redovna roka za polaganja ispita iz obveznih predmeta i to:

- prvi rok: četiri sedmice od dana završenog predavanja;
- drugi rok: osam sedmica od dana završenog predavanja;
- treći rok se organizira u martu ( u toku II semestra).

### **Članak 5.**

#### **Članak 29. mijenja se i glasi:**

Ukoliko doktorant ne položi ispit iz trećeg puta ima pravo polagati ga pred ispitnom komisijom od tri člana, a koju imenuje dekan matičnog fakulteta u dogovoru sa mentorom doktoranta. Doktorant snosi troškove komisijskog polaganja ispita prema Pravilima o visini naknade za studiranje i cijeni usluga koje se naplaćuju na Sveučilištu/Univerzitetu.

Poslije tri neuspjela ponavljanja istog ispita doktorant taj ispit može da polaže u vanrednom roku uz naknadu troškova, prema Pravilima o visini naknade za studiranje i cijeni usluga koje se naplaćuju na Sveučilištu/Univerzitetu.

Doktorant može upisati drugu ili treću godinu dokorskog studija sa najviše jednim nepoloženim izbornim predmetom i jednim nepoloženim seminarskim radom.

## Članak 6.

### Članak 32. stav 3 :

Doktorski studij u principu mogu upisati studenti koji su stekli magistarsko zvanje iz te oblasti. Pored studenata iz prethodnog stava, doktorski studij na Fakultetu poslovne ekonomije mogu upisati i studenti koji imaju zvanje magistra iz druge oblasti, ali prijavljuju interdisciplinarnu temu za svoju doktorsku disertaciju koja je usko povezana između magistarskog zvanja i buduće doktorske oblasti. U ovim slučajevima odobrenje za upis na doktorski studij donosi akademska Komisija koju imenuje dekan putem NNV za svakog prijavljenog studenta po navedenoj osnovi i koja određuje studentu razliku ispita koju mora položiti, a koji su temeljni iz oblasti sticanja doktorata.

## Članak 7.

### Članak 34. stav 1:

Studentu koji u toku akademske godine prelazi sa drugog Sveučilišta/Univerziteta ili studentu koji ima položenih ispita u prethodnom školovanju priznaju se položeni ispiti ~~Odlukom~~ Rješenjem dekana, a na osnovu prijedloga akademske Komisije za priznavanje ispita koju formira dekan putem NNV početkom svake akademske godine. Akademska Komisija priznaje ispite iz onih predmeta koji se po sadržaju prema Nastavnom planu i programu podudaraju minimalno 50% sa sadržajem odgovarajućeg predmeta koji se izučava na fakultetu koji student upisuje.

## Članak 8.

### Članak 35. mijenja se i glasi:

Doktorant zaključuje sa Sveučilištem/Univerzitetom Ugovor o studiranju, kojim se bliže utvrđuju njihova međusobna prava i obaveze i visina školarine.

Doktorant stiče pravo na upis na višu godinu studija, ako je do roka upisa u sljedeću akademsku godinu ispunio obaveze utvrđene studijskim programom te položio predmete koji mu prema bodovnom sistemu utvrđenom studijskim programom omogućuje upis u višu godinu studija.

Doktorant koji nije ispunio uslove iz prethodnog člana ponovo upisuje tekuću godinu studija i plaća troškove školarine.

Sveučilište/Univerzitet može studentu, na njegov zahtjev, odobriti da mu iz opravdanih razloga određeno vrijeme, a najduže godinu dana, miruju prava i obaveze.

Doktorant kome ne miruju prava i obaveze u skladu sa prethodnim stavom i koji ne upiše narednu godinu studija odnosno ne obnovi upis u istu godinu studija ima mogućnost pisanja molbe NNV da mu omogući završetak studija.

Doktorant koji ponavlja godinu ili nastavlja studij nakon prekida u slučaju izmjene studijskog programa završava studij po studijskom programu po kojem je upisao studij.

Doktorant koji studira bez ponavljanja i bez prekida ima pravo završiti prema upisanom studijskom programu.

## **Članak 9.**

### **Članak 38. mijenja se i glasi:**

Doktorski studijski program na smjeru „Međunarodno poslovanje“ realizuje se na sljedeći način:

- U I semestru slušaju se i polažu dva obavezna predmeta:
  - 1) „Action research and case study“
  - 2) „Research methodology“.
- U II semestru sluša se i polaže jedan izborni predmet te piše i brani seminarski rad iz izbornog predmeta. Pored toga, u ovom semestru kandidati trebaju izvršiti izbor i prijaviti temu doktorske disertacije. Nastavlja se rad na doktorskoj disertaciji;
- U III semestru struktura rada i aktivnosti je kao i u II semestru;
- U IV semestru sluša se i polaže jedan izborni predmet i obavezno aktivno učestvuje na međunarodnoj konferenciji;
- U V semestru sluša se i polaže jedan izborni predmet, piše i brani seminarski rad iz izbornog predmeta, objavljuje rad u časopisu, nastavlja se rad na doktorskoj disertaciji;
- U VI semestru se završava rad na doktorskoj disertaciji i vrši predaja i odbrana doktorske disertacije.

## **Članak 10.**

### **Članak 40. mijenja se i glasi:**

Ispitivanje studenta dokorskog studija provodi se na principu bodovanja raznih aktivnosti studenta u savlađivanju pojedinog predmeta ili pisanju seminarskih radova.

S obzirom da se ovaj studijski program realizuje kroz izvedbu kao studij na daljinu, nastavne metode bit će primjerene takvoj realizaciji studija, uz podršku računalne tehnologije te provedbu ispita u kontrolisanim uslovima. Koristit će se multimedijalni, interaktivni nastavni materijali, tematske cjeline i primjeri zadataka u digitalnom obliku.

Obavezne predmete ocjenjuje profesor koji je zadužen za predmet. Gost predavač svojim potpisom verificira učešće studenta u aktivnostima koju vodi gost predavač.

## **Članak 11.**

### **Članak 50. mijenja se i glasi:**

Na osnovu pozitivne odluke Senata Sveučilišta/Univerziteta o prihvatanju pogodnosti doktorske teze i kandidata, student stiče pravo da upiše naredni semestar i nastavi rad na naučnom i stručnom usavršavanju.

## **Članak 12.**

### **Članak 62. briše se.**


### Članak 13.

Ova Odluka stupa na snagu danom donošenja i objavit će se na oglasnoj ploči i Web stranici Sveučilišta/Univerziteta.

Predsjednik Senata



prof.dr Mirko Puljić, s.r.



- Studentska služba
- Pismohrana